

نوحہ

نا چھوڑ وطن کیں آکھیا نئیں رِیا وطن حسینؑ چھڑیندا
عصمت دیاں پلایاں سینڑی دے رِیا محمل آپ جڑیندا

رب جانے کیوں مجبور ہو یا ہس چالی وسدے رسدے گھر
پک دھی بیمار کوں چھوڑ کے گھر رِیا سارے طاق ولیندا

نبیاں دی لُج زہرا جاکئی جڈاں گھرتوں باہر قدم چایا
بسم اللہ پڑھ کے ہتھ اپنے رِیا قداماں پٹھ رکھیندا

گھر بھریا ہووے پچیاں دا سب ٹر جاوَن ہک رے جاوے
تنہا وچ بند دروازیاں دے دسو کیویں جھٹ گز ریندا

ہن بال چور اسی ویہڑے وچ ہک ہک کر کے سب ٹردے رے
بالاں دا ٹرنا صغراً دا رِیا پل پل جگر چریندا

کوئی مرد نہ گھر چوں باہر آوے پرواز پرندے روگ چھوڑن
عصمت دی سین پئی ٹر دی اے رِیا غازیؑ ہکلاں ڈیندا

فضل ہک دھی تے چالی گھر ہر گھر دا بند دروازہ ہا
ٹر دے ویلے پیو صغراً دا ہو سی حسرت نال وکھیندا